

《中國地方藝文薈萃》編委會 編

中國地方藝文薈萃

學苑出版社

華北風光卷·第一輯 伍



華北東北卷·第一輯  
伍

中國地方藝文薈萃

《中國地方藝文薈萃》編委會 編



國朝畿輔詩傳六十卷（五）

貴州师范学院内部使用

國朝畿輔詩傳六十卷（五）

（清）陶樾輯

據清道光十九年（一八三九）紅豆樹館刻本影印

國朝畿輔詩傳卷四十一

長洲陶 樑鳧薊輯 寶坻高繼珩寄泉校

朱筠

筠字美叔號竹君一號笥河大興人乾隆十九年進士官翰林院侍讀學士改編修有笥河詩

集二十卷

朱珪竹君先生墓志公生而神慧十三通五經學為文十五文成斐然癸酉舉於鄉甲戌成進士改庶吉士丁丑散館授編修辛巳充會試同考官申申丁先大夫憂丙戌服闋明年授贊善戊子御試二等授翰林院侍讀學士旋充日講起居注官戊子科鄉試同考官己丑科會試同考官庚寅奉命為福建鄉試正考官辛卯會試同考官

得士多著名公益卓然以韓歐蘇自任振起古  
學獎藉寒峻有一善者譽之如不及天下之士  
翁然稱之曰竹君先生是秋視學安徽乃教士  
曰讀書不可不識字爲刻舊本說文解字揭以  
四端曰部分字體音聲訓詁又曰稽古莫如金  
石文可證經史之譌所在披剔榛蕪至千種  
時詔求遺書公奏言翰林院庫貯明永樂大  
典中多逸書宜加採錄上覽奏命纂輯  
四庫全書得之大典中者五百餘部皆世所不  
傳次第刊布海內實公發之也又請倣漢唐故  
事擇儒臣校正十三經文字勒石大學癸巳以  
事降授編修在四庫全書處行走是時金壇于  
文襄公敏中掌院爲總裁于公直軍機凡館書  
稿本披覈辨析苦往復之煩意欲公就見而質  
而公執翰林故事總裁纂修相見于館所無往  
見禮訖不肯往相見持論侃侃不稍下公既久  
次望益重則言翰林以立品讀書爲職終歲足  
不至達官門聚書至數萬卷來請益者不拒考  
古著錄窮日夜不倦古文以鄭孔經義遷固史  
書爲質覲縷鉅細事辨時地真氣勃出成一家

言賦則陽張陰關馬揚以下不道也詩初學昌  
谷昌黎五言力逼漢魏既而導匯百家變化創  
闢神明獨得書法一本六書自然勁嫵蓋公之  
學與年進海涵嶽矗不足喻其所蘊也四十四  
年督學福建一以經學六書倡口講指畫示以  
鄉方閩清生爲攝令某鍛鍊殺人公發其覆大  
吏雪之扶持士氣行義若渴重倫節勸懲有加  
焉暇則搜奇廣洞徧著手蹟于黃山再登其巔  
觀雲海於閩之武夷窮玉華諸名勝皆躋探  
峻幽從者劄焉卒年五十有三所著古文數百  
篇古今詩數千首他文

稱是皆可必傳於後  
隨園詩話朱竹君學士督學皖江任滿余問所  
得人才公手書姓名分爲兩種樸學數人才華  
數人嘗云詩以道性情性情厚者詩淺而意深  
性情薄者詞深而意淺分校得老名士程魚門  
京師傳爲佳話沒後張中翰墳哭以詩云丹旄  
書銘前學士青山送葬老門生從今前輩無人  
哭拚與先生淚盡傾又哭竹君學士詩古人今  
不作古道竟非宜聽說文星墜空增吾黨悲持

身盧子幹好客鄭當時奇字三蒼纂窮經六籍  
披請開書四庫漸白鬢千絲學博天能鑒心清  
水共知龍門今逝矣寒士學何

之大雅扶輪者長安臚有誰

蒲褐山房詩話竹君昆仲早登高第並著才名

而君爲白眉兼綜經史精求古義家積書數萬

卷金石碑版亦數千通尤喜汲引人才輒軒所

至必拔諸生之雋異授業門下家居問字者滿

堂滿室君豐頤秀目伉伉鏗鏗常以李元禮范

孟博自况公卿中惟劉文正公愛其學業稱爲

小友其他貴人招之弗往爲安徽學政時奏請

將承樂大典中人間罕見之書悉爲鈔錄且求

天下遺書四庫館之開實自君發之其後于文

襄公選用翰詹科道及中書部曹諸臣先後至

數百人君雖列名其間實未嘗有所討論也年

僅五十病暑而卒平日文稿皆以草書書之且

塗乙十有七八子弟不能辨

別故取其明晰者刻成四卷

黃景仁上朱笥河先生詩先生卓然坐虎皮旁

羅賓從皆瑰奇珠光劍氣紛陸離貢之玉堂當

世希如余卷曲樗散資不可無一聊備遺公  
我欲拂拭之金沙同治吾能治退而喜也心然  
疑指胸兀兀前致詞嗟哉小子幼苦饑典書易  
米共衰慈草間咄咄惡詩自爲其知曾無師  
公名束髮心已知三千里外無見期義與兩龔  
語我私言公相士無成規掃門求見君無遲我  
時唯唯神魂馳聚米不遂徒嗟咨竭來乞食江  
之湄頭如蓬葆衣塵緇日日面壁愁孤羈忽聞  
公至樂不支徑爾投刺趨階墀不用溫筒揖路  
歧豁然霽色雲霧披意氣漫詡山可移誘我力  
寧言如飴感激真乃零涕洟賓朋暇日羅盤卮  
牆頭酒過梁果垂忘情略分兼娛嬉公也環顧  
掀髯髭不惜百妍間一媵於時歲景窮崦嵫寒  
灰忽爾逢春熙恩遇已極心轉危一身塊然百  
不宜兩手只解霜螯持漂零落魄志業隳漸恐  
化雨難爲施他年荆櫟從芟夷卽是此日牛醫  
兒雖然一事願脫錐長謝乃敢終其辭假如公  
有烟霞思此必弟子相追隨前驅獵後麋麋  
攜囊入雲采苓芝剝刷幽怪窮險巖佐公巨筆  
揮淋漓此則不敢多讓誰公聞此言願我嘻小

子狂矣言無稽言雖無稽心不欺春葵只有傾陽枝作詩呈公公解頤謂我詩筆猶可爲十年

吟苦霜鬢絲一編吐氣今其時

紅豆樹館詩話笥河學士闕通博覽名滿海內初爲諸城劉文正公所知目爲奇士蘭泉司寇

與公爲同年友官京師齊名人稱爲北朱南王督學安徽洪稚存黃仲則諸君皆延居幕中而

陸副憲錫熊程太史晉芳任侍御大椿又公分校所取士也公之學經緯史包孕萬有金石

小學尤所專力嘗謂今時學者無師法不明文字所本所由生其狎見甚至點畫淆亂音訓泯

勢何以通先聖之經而言其義乃出宋版說文解字刊布以詔後學今所傳朱氏說文定本視

毛斧季所刻尤爲精密自序一篇斷斷辨證意在尊經復古不僅稱叔重功臣也當校刊說文

時命門生某司其事某重違先生意多所乾沒先生待之如初蓋先生好交游稱述人善惟恐

不及卽有過輒掩覆之天性然也官翰林恥干謁與金壇干文襄意迕一日見

上語

干

文

襄

意

迕

一

日

見

上

公上遽稱許朱筠學問文章殊過人文  
襄默不得發而公名益起一時奇才異能之士  
趨風景附若斗之有杓公毅然以文章風義爲  
已任闢椒花吟舫與客讌游覃研文史坐是以  
積勞卒未得展其所蘊姚姬傳太史稱其慷慨  
論事摩厲講學不第欲爲文士誠篤論矣詩集  
刊于嘉慶癸亥皆石君相國手爲讐訂跋中稱  
其排募生創龍翔虎躍雖恢奇萬狀而無一字  
一韻不歸於妥帖然先生文章志在起衰才力  
所及卷軸佐之宜使絕幽鑿險別闢畦町斷不  
稍蹈康莊致流平易學者昧其源委或以鉤章  
棘句相誚則沒作者苦心矣茲卷所摘皆精金  
美玉具存先生本來面目又  
古體多于近體微寓別裁焉

### 送程二魚門歸淮上

歧路知痛哭况同失路人深宵衣錦繡誰辨僞與真程  
君此下第古抱卞氏珍已衛履下是何恤頭上巾六星

國朝詩集卷之四十一  
四  
芒正射奎瀆方通津如何兩神劍天阨無由伸干莫必  
騰上磨蝕以風塵輪困龍虎氣鬱迫芬芳紉

子兮歌慷慨蕭蕭易水去我豈高漸離擊筑胡此住一  
聞知己言涕落如繁絮夜光必按劔明月未投曙章甫  
對越人欲悔翻知悟况今急歸颿六轡無改御所惜新  
相知道遠日將暮揮手南北雲神物會有處

送秋涇夫子南歸

蘇君化神鶴竭來一游嬉本不謀稻梁彈者亦何爲夫  
子盛文章下第將南歸我貴物乃棄得失豈所疑翻驚  
臨乖淚欲灑清潞西鄭公慕季長趙子辭昌黎離師當

不反獨立恐路岐

文章溯向雄本大末始暢流傳到後來剽賊真氣喪如  
綴敝錦衣刻意謀共張夫子不好名惡文以綱尚每於  
數千年剖別指南向峨峨韓與柳六經作家釀宋興盛  
四氏流徵和高唱南渡龍川別北京兪州放太僕山之  
砥叔子川以障此豈比雕蟲與道伯仲行教之窮根源  
敢不欽所養

劍亭以詩聞長安屢試春官十年不第近見其偶  
然作數首辭旣和平然過于慟哭矣余謂古人  
不憂其不達而憂其言之不立劍亭苟得其大

者何憂乎作詩致之

與君六載交愛爾冰雪辭豈無韋與王隔世空相思天  
風蕩百川廣奏子自娛嗟我雖有耳不聽安聞知古人  
道相貽今人言相期昨日一書札上爲我友詩讀之逾  
萬過其言和且夷似夢羅浮山覺來魂魄疑美人無處  
所此意忘何時

蘭草雖共芳歲暮傷其晚每言王者香淚落不可反君  
本神仙姿一國傾婉婉誰令鮫人珠十年泣湘沅高堂  
盛綺羅鼓缶方擊宛請爲奏清琴再彈忽碎阮長歌一  
回首繞梁聲正遠古人竟若何往往善偃蹇誰歎知我

者持此寄繾綣

北風聲已厲日月與歲徂眄彼庭樹柯未忍同榮枯古  
人精消亡其理在詩書誰爲後來者胡不稍勤劬立言  
貴大端文章雖其餘願託蠹書蟬飲食固所娛浩浩百  
年盡好名誠爲愚金石不可化與子思其居行矣各勉  
力安能勞奔車

壬申除夜獨坐感懷諸兄弟各言其所遇爲詩四

首

暢月伯兄歸忽復東南征其道出山左紆曲濟水行不  
憚車馬勞急此親愛情三年不相見離別弟與兄屈指